

आकाशवाणी

खबरां कुणाल श्रीवत्स कोला:-

- प्रधानमंत्री नरेन्द्र मोदी होरें आक्खेया ऐ जे आप्रेशन सिंदूर दी कामयाबी दा श्रेय भलेयां अज्जै-कल्लै दियें तकनीकें ते रक्षा उत्पादन च Make in India पैहल गी जन्दा ऐ।
- प्रधानमंत्री नरेन्द्र मोदी होर अज्ज नमीं दिल्ली च संसद सदस्यें लेई नमें बनाए गेदे 184 Type-7 बहु-मंजिला फलैटें दा उदघाटन करगंन।
- कृषि मंत्री शिवराज चौहान अज्ज राजस्थान च 30 लक्ख शा मते करसानें गी 3 ज्हार 200 करोड़ रपे शा मते दे फसल बीमा दावें दी रकम बंड्गन।
- चुनां आयोग नै कांग्रेस नेता राहुल गांधी होरें गी नोटिस जारी करियै 2024 दे लोकसभा चुनाएं च मतदाता धोखाधड़ी दे उन्दे आरोपें दे सरबंधै च दस्तावेज मंगे न।
- ते भारत दियें महिला मुक्केबाजें निशा ते मुस्कान नै बैंकॉक च Under-19 Asian Boxing Championship च सुन्ने दा तगमा जितेया ऐ।

<><><><><><>

PM-Op Sindoor

प्रधानमंत्री नरेन्द्र मोदी होंरें ऑपरेशन सिंदूर दी कामयाबी गी अत्याधुनिक तकनीक ते रक्षा उत्पादन च “मेक इन इंडिया” पैहल गी श्रेय दिता ऐ। बेंगलुरु च इक जनसभा गी सम्बोधित करदे होई श्री मोदी होंरें आक्खेया जे पूरी दुनिया ने नमें भारत दे उस नमें रुपै गी दिक्खेया, जिसलै देश दे थ्हयारबंद सेनाएं बन्ने पार आतंकवादी ठिकानें गी नष्ट करियै, पाकिस्तान गी किश घैंटें च गै गोडे टेकरने पर मजबूर करी दिता। प्रोद्योगिकी च बड्डी आत्मनिर्भरता दा आह्वान करदे होई प्रधानमंत्री होंरें “जीरो डिफेक्ट, जीरो इफेक्ट” दे निर्माण मानकें पर जोर दिता। श्री मोदी होंरें आक्खेया जे बेंगलुरु नै भारत गी वैश्विक आई.टी नक्शे पर स्थापित कीता ऐ ते उन, इसी विकसित भारत दे दृष्टिकोण गी पूरा करने आस्तै उभरदी प्रोद्योगिकी ते विनिर्माण च अगुआई करनी लोड़चदी ऐ। प्रधानमंत्री होंरें बेंगलुरु गी नमें भारत दे उदय दा प्रतीक आक्खेया, जेहड़ा दार्शनिक विरासत गी तकनीकी कौशल कन्नै जोड़दा ऐ। उनें कर्नाटक दी प्रतिभा, विशेष तौरा कन्नै बेंगलुरु दे युवाएं गी आई.टी. शा लेइयै रक्षा निर्माण तगर दे क्षेत्रें च देश दी प्रगति च उन्दी भूमिका दी सराहना कीती।

<><><><><><>

PM –Flats

प्रधानमंत्री नरेन्द्र मोदी अज्ज नमीं दिल्ली च बाबा खड़क सिंह मार्ग पर सांसदें आस्तै बनाए गेदे 184 टाइप- VII(सत) बहुमंजिला फ्लैटें दा उदघाटन करगंन। इस मौके पर प्रधानमंत्री आवासीय परिसर च सिंदूर दा पौधा बी लागंन। श्री

मोदी होर श्रमजीविये कन्ने गल्लबात करगंन ते किट्ठे गी सम्बोधित बी करगंन।

<><><><><><>

Shivraj Crop Insurance

राई-बाई मंत्री शिवराज सिंह चौहान अज्ज राजस्थान दे Jhunjnunu च 30 लक्ख शा मते करसाने गी 3 हजार 200 करोड़ रपे शा मते दे फसल बीमा दावे दा भुगतान, करसाने दे बैंक खाते च सीधे तौरा पर डिजिटल तरीके कन्ने कीता जाहंग। कार्जक्रम दे दौरान, मध्य-प्रदेश दे करसाने गी इक जहार, 159 करोड़ रपे, राजस्थान दे करसाने गी इक जहार 121 करोड़ रपे, छत्तीसगढ़ दे करसाने गी 150 करोड़ रपे ते बाकी दे राज्ये दे करसाने गी 773 करोड़ रपे सिद्धे तौरा पर हासल होगंन। इस कार्यक्रम च Jhunjnunu, सीकर, जयपुर, कोटपुतली-बहरोड़ ते होरने जिले दे करसाने दी बड़ी भागीदारी दी मेद ऐ, जिसलै के बक्ख-बक्ख राज्ये दे लक्खां बद्धे करसान वचुअल माध्यम कन्ने एहदे च शामिल होगंन।

<><><><><><>

Turkey Earthquake

पच्छमी तुर्की दे सिंदीरगी च 6 अशारिया 1 तीव्रता दा भूचाल आया। तुर्की आपदा प्रबंधन एजेसी (AFAD) नै दस्सेया जे भूचाल इस्ताबुल ते मशहूर सैलसफा आहली थहार इज़मिर सने देश दे पच्छमी हिस्से दे केई शैहरे च मसूस

कीता गया। तुर्की मीडिया नै आक्खेया जे भूचाल दे कारण बालिकेसीर प्रांत च
केंई ईमारतां डिग्गी पेइयां।

<><><><><><>

FC Rahul Ghandhi

कर्नाटक दे मुख चुनां अधिकारी होरें कांग्रेस नेता राहुल गांधी होरें गी नोटिस
जारी करिये 2024 दे लोकसभा चुनां च मतदाता धोखाधड़ी दे उन्दे आरोपें दे
सरबंथै च दस्तावेज मंगे न। श्री गांधी होरें गी ओकड़े सबूत पेश करने लेई
आक्खेया गया ऐ, जेहदी बिनाह उप्पर उनें एह दावा बन्नेया हा जे शकुन रानी
नां दी इक मतदाता, जां कुसै होर नै दंऊ बारी मतदान कीता हा। कर्नाटक दे
मुख चुनां अधिकारी वी. अंबुकुमार हुंदी तरफा कल जारी कीते गेदे नोटिस च
आक्खेया गया ऐ जे CEO दफतरै दी शुरुआती जांच च पाया गया ऐ जे शकुन
रानी नै छड़ा इक बारी गै वोट पाया हा। नोटिस च एह आक्खेया गया ऐ जे
CEO दफतर आसेया कीती गेदी शुरुआती जांच च श्री गांधी हुंदे पास्सेया अपनी
प्रस्तुति च दस्सेया गेदा “स्हेई” दा निशान आला दस्तावेज मतदान अधिकारी नै
जारी नैई कीते दा ऐ। एह गैह जन्दी 7 अगस्त गी नमीं दिल्ली च श्री गांधी
हुंदी प्रेस- कांफ्रेंस दे मगरा पुट्टी गेदी ऐ, जित्थे उनें कर्नाटक दे महादेवपुरा
असैम्बली हलके च बड़डे पैमाने पर वोट चोरी दा आरोप लाया हा।

<><><><><><>

Boxing

भारतीय महिला मुक्केबाज निशा ते मुस्कान ने कल बैंकॉक च अंडर-19 एशियाई मुक्केबाजी चैंपियनशिप च सुन्ने दा तगमा जितिये अपने बेहतरीन कौशल दा प्रदर्शन कीता, जिसलै के पंज होरनें मुक्केबाजे चांदी दा तगमा जितेया। प्रतियोगिता च शामिल 10 चा नौ महिला मुक्केबाजे 2 सुन्ने दे, 5-चांदी दे ते 2-कैह दे तगमे जिते। एह चीन, कजाकिस्तान ते उज्बेकिस्तान जनेह देशे दे बेहतरीन मुक्केबाजे दे खलाफ भारत दा दमदार प्रदर्शन ऐ।

<><><><><><>

World Athletics Continental Tour

एथलेटिक्स च ओलम्पिक विजेता अनु रानी होरे कल India Open-2025 World Athletics Bronze Level Continental Tour च महिलाये दे नेजा सुट्टने दे मुकाबले दा खिताब जिती लैता ऐ। एह प्रतियोगिता ओडिशा दे भुवनेश्वर च स्थित कलिंगा स्टेडियम च होई। अनु होरे 62 इशारिया सिफर-1 मीटर दी दूरी हासल कीती, जदके श्रीलंका दी NDL Hatarabag Leka नै 56 इशारिया 2-7 मीटर ते भारत दी दीपिका नै 54 इशारिया 2-सिफर मीटर दूर नेजा सुट्टेया। एह अनु हुंदी दमदार वापसी ऐ, कीजे एदे शा पैहले उनें पोलैंड च तकरीबन दंडु बरे च अपना सर्वश्रेष्ठ प्रदर्शन करदे होई 62 इशारिया 5-9 मीटर दी दूरी हासल कीती ही। तौआई मर्दे दे नेजा सुट्टने दे मुकाबले च श्रीलंका दे रुमेश पथिरगे होरे 86 इशारिया 5-सिफर मीटर दी दूरी पर नेजा सुट्टिये सुन्ने दा तगमा जितेया,

जदके भारत दे शिवम लोहाकरे हों 80 इशारिया 7-3 मीटर दी दूरी पर नेजा सुट्टिये चांदी दा तगमा अपने नां कीता।

<><><><><><>

Padma –Awards

पदम पुरस्कारें लेई नामांकन ते सफारशें दी खीरी तरीक 15 अगस्त तोहड़ी बधाई दिती गई ऐ। पुरस्कारें लेई नामांकन छड़े राष्ट्री पुरस्कार पोर्टल पर ऑनलाईन हासल कीते जागंन। बरे 2026 लेई पदम पुरस्कारें दा ऐलान गणतंत्र दिवस, 2026 दे मौके उप्पर कीता जाहग। एकड़े पुरस्कारें च पदम विभूषण, पदम भूषण ते पदम श्री पुरस्कार शामिल न। एह पुरस्कार विशिष्ट कम्में गी मान्यता प्रदान करने लेई सब्भनें खेतरें च विशे च विशिष्ट ते असाधारण उपलब्धिये सने सेवा लेई दिता जन्दा ऐ।

<><><><><><>

Dogri Academy

साहित्य अकादमी नै बरे 2026 दे युवा पुरस्कार लेई मान्यता हासिल सब्भनें 24 भाषाएं च पैहली जनवरी 2026 गी 26 बरे तगर ते ओहदे थमां घट्ट उमी दे युवा भारती लेखके दिये कताबे गी भेजने दा साद्दा दिता ऐ। लेखक दी उम्र 35 बरे जां फही ओहदे थमां घट्ट होनी लोड़चदी। दरखास्त जमा करोआने दी खीरी तरीक 31 अगस्त 2025 ऐ। होर जानकारी लेई इच्छुक आवेदक साहित्य अकादमी दी वेबसाइट www.sahityaakademi.gov.in पर दिक्खी सकदे न।

<><><><><><>

RSS Conclave

समाजी ते इक जुटता गी बढावा देने लेई राष्ट्री स्वयं सेवक संघ अपने शताब्दी जन-सम्पर्क अभियान दे तैहत 12 सितम्बर गी इंदौर च इक समाजी सदभाव सम्मेलन आयोजित करोग। Brilliant Convention Centre च आयोजित होने आला ए सम्मेलन बड़ा खास होग ते एहदे च मालवा खेतर दी 180 शा मती जातियें ते समुदायें दे नेता हिस्सा लैगंन। एह सम्मेलन समावेशी संवाद ते सांस्कृति एकता पर संघ आसेया दिते जाने आले महत्वै पर लौ पांदा ऐ। इस सम्मेलन दी अध्यक्षता सर संघ चालक डाक्टर मोहन भागवत होर करगंन। एह सम्मेलन RSS दे पंच-परिवर्तन ढांचे पर केन्द्रित होग।

<><><><><><>

IMD

मौसम विभाग नै अगले 7 दिने दे दौरान उत्तराखंड ते हिमाचल-प्रदेश च भारी बरखा दी पेशगोई कीती ऐ। विभाग नै अज्ज इनै राज्यें आस्तै Orange Alert जारी कीता ऐ। मौसम विभाग नै अज्ज पश्चिम बंगाल ते सिक्कमम च बक्ख-बक्ख थाहरें पर मौलेधार बरखा दा अनुमान जताया ऐ। तौंआई दिल्ली, चंडीगढ़, हरियाणा, पंजाब, बिहार, मध्य-प्रदेश, तेलंगाना ते अंडमान ते निकोबार द्वीप समूह च अज्ज तेज बरखा दी संभावना ऐ। मौसम विभाग नै एह बी दस्सेया ऐ

जे बिहार, जम्मू-कश्मीर, लद्दाख ते झारखंड च बक्ख-बक्ख थाहरें पर तेज
बरखा पौने दी संभावना ऐ।

<><><><><><>